



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

13.06.2022թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի
թիվ ԳԲՔԱ-ՆԳ-2022/38

Հայաստանի Հանրապետության գնումների հետ կապված բողոքներ քննող անձը՝ ի
դեմս Գրիգոր Ներսիսյանի,

Մասնակցությամբ՝

«Բեյքեր Թիլլի Արմենիա» ՓԲԸ-ի ներկայացուցիչ Հ. Ենգոյանի (լիազորագիր՝ տրված
02.06.2022թ.),

քննելով «Ներդրումների աջակցման կենտրոն» հիմնադրամի (հետայսու նաև՝
Պատվիրատու) կարիքների համար ֆինանսական աուդիտի ծառայությունների
ձեռքբերման նպատակով հայտարարված «ՆԱԿ-ԳՀԾՁԲ-06/22» ծածկագրով գնանշման
հարցման ընթացակարգի շրջանակներում «Բեյքեր Թիլլի Արմենիա» ՓԲԸ-ի կողմից
06.05.2022թ. ներկայացված (12.05.2022թ. վարույթ ընդունված) բողոքը (հետայսու նաև՝
ԳԲՔԱ-ՆԳ-2022/38 բողոք) և կից փաստաթղթերը, պարզեցի հետևյալը.

1. «Բեյքեր Թիլի Արմենիա» ՓԲԸ-ի կողմից ներկայացված փաստերը, հիմնավորումները և պահանջը.

«Բեյքեր Թիլի Արմենիա» ՓԲԸ-ն (հետայսու նաև՝ Ընկերություն) 06.05.2022թ. ներկայացված բողոքով հայտնել է հետևյալը.

«Գործի հակիրճ նկարագրությունը և բողոքի փաստերը.

«Ներդրումների աջակցման կենտրոն» հիմնադրամի /այսուհետև նաև՝ Պատվիրատու/ կարիքների համար՝ ֆինանսական աուդիտի ծառայության ձեռքբերման նպատակով հայտարարվել է ՆԱԿ-ԳՀԾՁԲ-06/22 ծածկագրով գնանշման հարցում /այսուհետև նաև՝ Ընթացակարգ/:

Ընթացակարգի հրավերի Տեխնիկական բնութագրի համաձայն՝ աուդիտը պետք է իրականացվի «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների կողմից:

Վերը նշված ընթացակարգին մասնակցության հայտ են ներկայացրել 2 մասնկից՝ և «ԲԵՅՔԵՐ ԹԻԼԼԻ ԱՐՄԵՆԻԱ» ՓԲԸ-ն և «ԳՐԱՆԹ ԹՈՐՆԹՈՆ» ՓԲԸ-ն: «ԲԵՅՔԵՐ ԹԻԼԼԻ ԱՐՄԵՆԻԱ» ՓԲԸ-ի գնային առաջարկը կազմում է 2 346 000 ՀՀ դրամ, «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը՝ 4 800 000 ՀՀ դրամ: «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը գերազանցել է նաժահաշվային գինը:

Այնուհետև, գնահատող հանձնաժողովի 26.04.2022թ. տեղի ունեցած նիստի թիվ 2 արձանագրության (կցվում է) 2.3 կետի համաձայն՝ «Բեյքեր Թիլի Արմենիա» ՓԲԸ-ի տվյալները «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են:

Նույն արձանագրությամբ հանձնաժողովը որոշեց «Բեյքեր Թիլի Արմենիա» ՓԲԸ-ի գնահատել անբավարար և մերժել:

Գնահատող հանձնաժողովի 02.05.2022թ. տեղի ունեցած նիստի թիվ 3 արձանագրության (կցվում է) 1.1 կետի համաձայն՝ ՆԱԿ-ԳՀԾՁԲ-06/22 ծածկագրով գնանշման հարցման ընթացակարգը հայտարարվել է չկայացած:

Այնուհետև, ՆԱԿ-ԳՀԾՁԲ-06/22 ծածկագրով Ընթացակարգը չկայացած հայտարարելու հիմքով «Ներդրումների աջակցման կենտրոն» հիմնադրամի կողմից վերջինիս կարիքների

համար՝ ֆինանսական աուդիտի ծառայության ձեռքբերման նպատակով 04.05.2022թ. վերահայտարարվել է ՆԱԿ-ԳՀՇՁԲ-07/22 ծածկագրով գնանշման հարցումը:

Թիվ ՎԴ/1299/05/21 վարչական գործով դատարանի կողմից 17.03.2021թ. կայացրած հայցի ապահովման միջոց կիրառելու մասին որոշմամբ արգելվել է ՀՀ ֆինանսների նախարարության պահանջել «Բեյքեր Թիլի Արմենիա» ՓԲԸ թիվ ԱԾ N°054 «Աուդիտորական ծառայությունների իրականացման» լիցենզիան: Նույն որոշմամբ որոշվել է պահպանել «Բեյքեր Թիլի Արմենիա» ՓԲԸ աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը):

Գնումների հետ կապված բողոքներ քննող անձի 31.01.2022թ. կայացրած թիվ ԳԲԲԱ-ԼՕ-2022/01 որոշմամբ բողոքներ քննող անձը, հիմք ընդունելով ՎԴ/1299/05/21 վարչական գործով դատարանի կողմից 17.03.2021թ. կայացրած հայցի ապահովման միջոց կիրառելու մասին որոշումը, արձանագրել է հետևյալը. «Աուդիտորական գործունեության մասին» 2002թ. ՀՀ օրենքի համաձայն աուդիտորական գործունեություն իրականացնելու լիցենզիա ունեցող անձի կարգավիճակը նույնական է «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկում գրանցված լինելուն: Բողոքներ քննող անձը արձանագրել է, որ ՎԴ/1299/05/21 վարչական գործով դատարանի կողմից 17.03.2021թ. կայացրած հայցի ապահովման միջոց կիրառելու մասին որոշումը «Բեյքեր Թիլի Արմենիա» ՓԲԸ-ին տալիս է աուդիտորական գործունեություն իրականացնելու իրավունք առանց «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված լինելուց: Այս հիմքով դադարեցվել է «Բեյքեր Թիլի Արմենիա» ՓԲԸ-ի հայտը մերժելու գնահատող հանձնաժողովի որոշումը:

Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ՝ նաև Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 50-րդ հոդվածի 6-րդ մասի համաձայն՝ Գնումների հետ կապված բողոքներ քննող անձի որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

Ինչպես արդեն նշել ենք, Ընթացակարգի հրավերի Տեխնիկական բնութագրի համաձայն՝ «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների կողմից:

Վերը նշված ընթացակարգին մասնակցության հայտ է ներկայացրել նաև «ԲԵՅՔԵՐ ԹԻԼԼԻ ԱՐՄԵՆԻԱ» ՓԲԸ-ն, որի գնային առաջարկը կազմում է 2 346 000 ՀՀ դրամ:

Այնուհետև, գնահատող հանձնաժողովի 26.04.2022թ. տեղի ունեցած նիստի թիվ 2 արձանագրության 2.3 կետի համաձայն՝ «Բեյքեր Թիլլի Արմենիա» ՓԲԸ-ի տվյալները «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են:

«Աուդիտորական գործունեության մասին» 2002թ. ՀՀ օրենքի համաձայն՝ աուդիտորական ծառայություններ կարող է իրականացնել միայն այն աուդիտորական կազմակերպությունը, որը ունի լիազոր մարմնի կողմից տրամադրված լիցենզիա:

«Աուդիտորական գործունեության մասին» 2019թ. ՀՀ օրենքի համաձայն՝ աուդիտորական կազմակերպությունը ձեռք է բերում աուդիտորական ծառայություններ մատուցելու իրավունք այն ամսաթվից, երբ նրա մասին տեղեկությունները գրանցվում են մասնագիտացված կառույցի՝ աուդիտորական կազմակերպությունների, աուդիտորների և փորձագետ հաշվապահների ռեեստրում (այսուհետ՝ ռեեստր):

Այսպիսով, «Աուդիտորական գործունեության մասին» 2002թ. ՀՀ օրենքի համաձայն ընկերությանը աուդիտորական գործունեությամբ զբաղվելու, աուդիտորական ծառայություններ մատուցելու իրավունք տալիս էր լիազոր մարմնի՝ ՀՀ ֆինանսների նախարարության կողմից տրամադրված լիցենզիան, իսկ 2019թ. օրենքի համաձայն՝ նման

իրավունքը առաջանում է, եթե նրա մասին տեղեկությունները գրանցվում են մասնագիտացված կառույցի՝ աուդիտորական կազմակերպությունների, աուդիտորների և փորձագետ հաշվապահների ռեեստրում:

2021թ. «ԲԵՅՔԵՐ ԹԻԼԼԻ ԱՐՄԵՆԻԱ» ՓԲ ընկերությունը դիմել է ՀՀ վարչական դատարան ընդդեմ ՀՀ ֆինանսների նախարարության՝ իրավահարաբերության առկայությունը ճանաչելու պահանջով (թիվ ՎԴ/1299/05/21 գործ):

Ներկայացված վարչական գործով «ԲԵՅՔԵՐ ԹԻԼԼԻ ԱՐՄԵՆԻԱ» ՓԲ ընկերությունը 15.03.2021թ. դիմել է դատարանին՝ հայցի ապահովման միջոց կիրառելու միջնորդությամբ: Նշված միջնորդությամբ ՓԲԸ-ն նշել է, որ հաշվի առնելով նաև այն հանգամանքը, որ ըստ 2021 թվականի հունվարի 1-ից ուժի մեջ մտած ՀՕ-283-Ն օրենքի 30-րդ հոդվածի այն աուդիտորական կազմակերպությունը, որը չի անդամակցում մասնագիտացված կառույցներին, իրավունք չունի մատուցելու աուդիտորական ծառայություններ, գտնում ենք, որ մինչև սույն գործով վեճն ըստ էության լուծող դատական ակտի օրինական ուժի մեջ մտնելը հայցի ապահովման միջոցներ չձեռնարկելը էականորեն կոժվարեցնի դատական ակտի կատարումը, քանի որ միջոցներ չձեռնարկելը կարող է բերել այնպիսի իրավիճակի, որ Ընկերությունը չիրականացնելով իր միակ տնտեսական գործունեությունը: Ամբողջ վերոգրյալը առաջացնում է հիմնավոր ռիսկեր, որ հայցի ապահովման միջոցներ չձեռնարկելու դեպքում բարձր է հավանակությունը, որ Ընկերությունը կկրի գույքային վնասներ: Ընդ որում, նման հայցի ապահովում ձեռնարկելը կլինի այն անհրաժեշտ ու համաչափ միջոցը, որը թույլ չի տա Ընկերությանը զգալի վնասներ պատճառվել մինչև սույն գործն ըստ էության լուծող դատական ակտն օրինական ուժի մեջ մտնելը: Հիմք ընդունելով վերոգրյալը և ղեկավարվելով ՀՀ վարչական դատավարության օրենսգրքով նախատեսված իրավակարգավորումներով, հաշվի առնելով, որ նշված հայցի ապահովման միջոցները չձեռնարկելու արդյունքում Ընկերության համար վրա հասնելիք հնարավոր անբարենպաստ հետևանքները դժվարեցնելու են, մինչև անգամ կարող են անհնարին դարձնել սույն գործն ըստ էության լուծող դատական ակտի կատարումը՝ ընկերությունը միջնորդել է կիրառել համապատասխան հայցի ապահովման միջոցներ:

Դատարանը 17.03.2021թ. կայացրած հայցի ապահովման միջոց կիրառելու մասին որոշմամբ արգելվել է ՀՀ ֆինանսների նախարարության պահանջել «Բեյքեր Թիլի Արմենիա» ՓԲԸ թիվ ԱԾ N°054 «Աուդիտորական ծառայությունների իրականացման» լիցենզիան: Նույն որոշմամբ որոշվել է պահպանել «Բեյքեր Թիլի Արմենիա» ՓԲԸ

աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը):

Հայցվոր ընկերության կողմից նման հայցի ապահովման միջոց կիրառելու մասին միջնորդություն ներկայացնելու նպատակն ակնհայտ է, որ եղել է ընկերության իրավունքների և օրինական շահերի պաշտպանության համար իրավական երաշխիք ունենալը (վերոհիշյալ հիմնավորումը առկա է որոշման պատճառաբանական մասում): Հենց դրան է կոչված նաև հայցի ապահովման դատավարական ինստիտուտը՝ դատարանի կողմից նախապես ձեռնարկվող որոշակի միջոցներով հնարավոր բացասական հետևանքներից պաշտպանել հայցվորի իրավունքները և օրինական շահերը:

«Աուդիտորական գործունեության մասին» 2002թ. ՀՀ օրենքի համաձայն՝ աուդիտորական կազմակերպություն է համարվում աուդիտորական ծառայություններ իրականացնող իրավաբանական անձը:

Նույն օրենքի համաձայն՝ աուդիտորական ծառայությունների իրականացման հիմքը հանդիսանում է լիազորված մարմնի կողմից տրամադրված լիցենզիայի առկայությունը:

Այլ կերպ ասած, «Աուդիտորական գործունեության մասին» 2002թ. ՀՀ օրենքի համաձայն՝ աուդիտորական ծառայություններ կարող է իրականացնել միայն այն աուդիտորական կազմակերպությունը, որը ունի լիազոր մարմնի կողմից տրամադրված լիցենզիա:

Հենց այս տրամաբանությամբ է Դատարանի կողմից բավարարվել «ԲԵՅՔԵՐ ԹԻԼԼԻ ԱՐՄԵՆԻԱ» ՓԲ ընկերության 15.03.2021թ. հայցի ապահովման միջոց կիրառելու միջնորդությունը և որոշել արգելել ՀՀ ֆինանսների նախարարության պահանջել «Բեյքեր Թիլի Արմենիա» ՓԲԸ թիվ ԱԾ N°054 «Աուդիտորական ծառայությունների իրականացման» լիցենզիան և պահպանել «Բեյքեր Թիլի Արմենիա» ՓԲԸ աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը):

Բանն այն է, որ լիցենզիա ունենալու կարգավիճակի պահպանությունը «Աուդիտորական գործունեության մասին» 2002թ. ՀՀ օրենքի տրամաբանությամբ նշանակում է, որ աուդիտորական կազմակերպությունը ունի իրավունք իրականացնելու աուդիտորական գործունեություն: Համապատասխանաբար, կազմակերպությունը չի կարող ունենալ իրավունք զբաղվելու աուդիտորական գործունեությամբ, եթե չպահպանվի իր՝ լիցենզիա ունենալու կարգավիճակը, քանի որ աուդիտորական գործունեությամբ զբաղվելու իրավունքը բխում է լիցենզիա ունենալու կարգավիճակից:

Այս տեսանկյունից գտնում ենք, որ լիցենզիա ունենալու կարգավիճակի պահպանությունը իր մեջ ներառում է, կլանում աուդիտորական գործունեությամբ զբաղվելու իրավունքը:

Վերոհիշյալը բխում է հենց Դատարանի 17.03.2021թ. կայացրած հայցի ապահովման միջոց կիրառելու մասին որոշման տրամաբանությունից, քանի որ նման հայցի ապահովման միջոց կիրառելու մասին որոշման նպատակն ակնհայտ է, որ եղել է ընկերության իրավունքների և օրինական շահերի պաշտպանության համար իրավական երաշխիք ունենալը: Հենց դրան է կոչված նաև հայցի ապահովման դատավարական ինստիտուտը՝ դատարանի կողմից նախապես ձեռնարկվող որոշակի միջոցներով հնարավոր բացասական հետևանքներից պաշտպանել հայցվորի իրավունքները և օրինական շահերը:

Նույնը արձանագրվել է նաև Գնումների հետ կապված բողոքներ քննող անձի 31.01.2022թ. կայացրած թիվ ԳԲԲԱ-ԼՕ-2022/01 իրավապարտադիր որոշմամբ, որով բողոքներ քննող անձը հիմք ընդունելով ՎԴ/1299/05/21 վարչական գործով դատարանի կողմից 17.03.2021թ. կայացրած հայցի ապահովման միջոց կիրառելու մասին որոշումը արձանագրել է հետևյալը. «Աուդիտորական գործունեության մասին» 2002թ. ՀՀ օրենքի համաձայն աուդիտորական գործունեություն իրականացնելու լիցենզիա ունեցող անձի կարգավիճակը նույնական է «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկում գրանցված լինելուն: Բողոքներ քննող անձը արձանագրել է, որ ՎԴ/1299/05/21 վարչական գործով դատարանի կողմից 17.03.2021թ. կայացրած հայցի ապահովման միջոց կիրառելու մասին որոշումը «Բեյքեր Թիլի Արմենիա» ՓԲԸ-ին տալիս է աուդիտորական գործունեություն իրականացնելու իրավունք առանց «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված լինելուց: Այս հիմքով դադարեցվել է «Բեյքեր Թիլի Արմենիա» ՓԲԸ-ի հայտը մերժելու գնահատող հանձնաժողովի որոշումը:

Գտնում ենք, որ թիվ ՎԴ/1299/05/21 վարչական գործով Դատարանի 17.03.2021թ. կայացրած հայցի ապահովման միջոց կիրառելու մասին որոշման և Գնումների հետ կապված բողոքներ քննող անձի 31.01.2022թ. կայացրած թիվ ԳԲԲԱ-ԼՕ-2022/01 իրավապարտադիր որոշման պայմաններում և դրանց լույսի ներքո գնահատող հանձնաժողովի 26.04.2022թ. տեղի ունեցած նիստի թիվ 2 արձանագրության 2.3 կետով

կայացրած որոշումը՝ «Բեյքեր Թիլլի Արմենիա» ՓԲԸ-ի անբավարար գնահատելու և մերժելու վերաբերյալ, իրավաչափ չէ:

Վերոհիշյալով գնահատող հանձնաժողովը խախտել է «Գնումների մասին» ՀՀ օրենքի 3-րդ հոդվածի 2-րդ մասի և 7-րդ հոդվածի պահանջները, ինչպես նաև նույն օրենքի 50-րդ հոդվածի 6-րդ մասի պահանջները:»:

Ամփոփելով վերոգրյալը՝ Ընկերությունը խնդրել է՝

1. Պարտավորեցնել «Ներդրումների աջակցման կենտրոն» հիմնադրամի կարիքների համար՝ ֆինանսական աուդիտի ծառայության ձեռքբերման նպատակով հայտարարված ՆԱԿ-ԳՀԾՁԲ-06/22 ծածկագրով գնանշման հարցման ընթացակարգի հանձնաժողովին դադարեցնել «Բեյքեր Թիլլի Արմենիա» ՓԲԸ-ի հայտը անբավարար գնահատելու և մերժելու մասին որոշումը:

2. Պարտավորեցնել «Ներդրումների աջակցման կենտրոն» հիմնադրամի կարիքների համար՝ ֆինանսական աուդիտի ծառայության ձեռքբերման նպատակով հայտարարված ՆԱԿ-ԳՀԾՁԲ-06/22 ծածկագրով գնանշման հարցման ընթացակարգի հանձնաժողովին դադարեցնել Ընթացակարգ չկայացած հայտարարելու մասին որոշումը:

3. Պարտավորեցնել «Ներդրումների աջակցման կենտրոն» հիմնադրամի կարիքների համար՝ ֆինանսական աուդիտի ծառայության ձեռքբերման նպատակով հայտարարված ՆԱԿ-ԳՀԾՁԲ-07/22 ծածկագրով գնանշման հարցման ընթացակարգի հանձնաժողովին չկայացած հայտարարել ընթացակարգը:

Ընկերությունը, պատշաճ ծանուցված լինելով բողոքի քննության նպատակով 07.06.2022թ. ժամը 15:45-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով պնդել է բողոքը:

2. «Ներդրումների աջակցման կենտրոն» հիմնադրամի կողմից բողոքի վերաբերյալ ներկայացված դիրքորոշումը և հիմնավորումները.

«Ներդրումների աջակցման կենտրոն» հիմնադրամը 18.05.2022թ. Գնումների հետ կապված բողոքներ քննող անձին ներկայացրել է ՆԱԿ-ԳՀԾՁԲ-06/22 ծածկագրով գնանշման հարցման ընթացակարգի գնահատող հանձնաժողովի նիստերի թիվ 2 և թիվ 3 արձանագրությունները:

Պատվիրատուն, պատշաճ ծանուցված լինելով բողոքի քննության նպատակով 07.06.2022թ. ժամը 15:45-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

3. ԳԲՔԱ-ՆԳ-2022/38 բողոքի քննության համար էական նշանակություն ունեցող փաստերը.

ԳԲՔԱ-ՆԳ-2022/38 բողոքի քննության համար էական նշանակություն ունեն հետևյալ փաստերը.

1. «Ներդրումների աջակցման կենտրոն» հիմնադրամի կողմից ֆինանսական աուդիտի ձեռքբերման նպատակով հայտարարվել է «ՆԱԿ-ԳՀԾՁԲ-06/22» ծածկագրով գնանշման հարցման ընթացակարգ (այսուհետ նաև՝ Ընթացակարգ 1):

2. Ընթացակարգի հրավերի Տեխնիկական բնութագրի համաձայն աուդիտը պետք է իրականացվի «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների կողմից:

3. Ընթացակարգին մասնակցելու նպատակով հայտ են ներկայացրել 2 մասնակից և «Բեյքեր Թիլի Արմենիա» ՓԲԸ-ն և «ԳՐԱՆԹ ԹՈՐՆԹՈՆ» ՓԲԸ-ն: «Բեյքեր Թիլի Արմենիա» ՓԲԸ-ի գնային առաջարկը կազմում է 2 346 000 ՀՀ դրամ, «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը 4 800 000 ՀՀ դրամ: «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը գերազանցել է նախահաշվային գինը:

4. Ընթացակարգի գնահատող հանձնաժողովի (այսուհետ նաև՝ Հանձնաժողով) 26.04.2022թ.-ի նիստի թիվ 2 արձանագրության համաձայն՝ Հանձնաժողովը, հաշվի առնելով որ «Բեյքեր Թիլի Արմենիա» ՓԲԸ-ի տվյալները «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են, որոշել է «Բեյքեր Թիլի Արմենիա» ՓԲԸ-ի հայտը գնահատել անբավարար և մերժել:

5. Հանձնաժողովի 02.05.2022թ. տեղի ունեցած նիստի թիվ 3 արձանագրության համաձայն՝ «ՆԱԿ-ԳՀԾՁԲ-06/22» ծածկագրով գնանշման հարցման ընթացակարգը հայտարարվել է չկայացած:

6. www.procurement.am կայքում 02.05.2022թ.-ին հրապարակվել է «ՆԱԿ-ԳՀԾՁԲ-06/22» ծածկագրով գնման ընթացակարգը չկայացած հայտարարելու մասին հայտարարություն:

7. «Ներդրումների աջակցման կենտրոն» հիմնադրամի կողմից ֆինանսական աուդիտի ձեռքբերման նպատակով 28.03.2022թ.-ին հայտարարվել է «ՆԱԿ-ԳՀԾՁԲ-07/22» ծածկագրով գնանշման հարցման ընթացակարգ (այսուհետ նաև՝ Ընթացակարգ 2):

8. Ընթացակարգ 2-ին մասնակցելու նպատակով հայտ են ներկայացրել 2 մասնակից և «Բեյքեր Թիլի Արմենիա» ՓԲԸ-ն և «ԳՐԱՆԹ ԹՈՐՆԹՈՆ» ՓԲԸ-ն: «Բեյքեր Թիլի Արմենիա» ՓԲԸ-ի գնային առաջարկը կազմում է 2 496 000 ՀՀ դրամ, «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը 4 800 000 ՀՀ դրամ: «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը գերազանցել է նախահաշվային գինը:

9. Ընթացակարգ 2-ի գնահատող հանձնաժողովի 11.05.2022թ.-ի նիստի թիվ 2 արձանագրության համաձայն՝ Հանձնաժողովը, հաշվի առնելով որ «Բեյքեր Թիլի Արմենիա» ՓԲԸ-ի տվյալները «Հայաստանի առախորրեների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են, որոշել է «Բեյքեր Թիլի Արմենիա» ՓԲԸ-ի հայտը գնահատել անբավարար և մերժել:

10. Հանձնաժողովի 16.05.2022թ. տեղի ունեցած նիստի թիվ 3 արձանագրության համաձայն՝ «ՆԱԿ-ԳՀԾՁԲ-07/22» ծածկագրով գնանշման հարցման ընթացակարգը հայտարարվել է չկայացած:

11. www.procurement.am կայքում 17.05.2022թ.-ին հրապարակվել է «ՆԱԿ-ԳՀԾՁԲ-07/22» ծածկագրով գնման ընթացակարգը չկայացած հայտարարելու մասին հայտարարություն:

12. ՀՀ վարչական դատարանի (նախագահությամբ դատավոր՝ Հր. Այվազյանի) 17.03.2021թ.-ին թիվ ՎԴ/1299/05/21 վարչական գործով հայցի ապահովման միջոց կիրառելու միջնորդությունը մասնակի բավարարելու մասին կայացված որոշման (այսուհետ նաև՝ Որոշում) համաձայն՝ «... Տվյալ դեպքում նկատի ունենալով, որ սույն գործի շրջանակներում քննության առարկա է հանդիսանում <<Բեյքեր Թիլի Արմենիա>> ՓԲ ընկերության աուդիտորական գործունեություն իրականացնելու իրավունք ունեցող անձի կարգավիճակից բխող <<Բեյքեր Թիլի Արմենիա>> ՓԲ ընկերության և ՀՀ ֆինանսների նախարարության միջև իրավահարաբերության առկայությունը ճանաչելը, իսկ այդ իրավահարաբերության առկայությունը կամ բացակայությունը կարող է ճանաչվել միայն գործն ըստ էության լուծող դատական ակտով, և որոշակի հայցի ապահովում չկիրառելու և հայցի հնարավոր բավարարման դեպքում, գործի քննության ամբողջ

ժամանակահատվածի ընթացքում կարող են խախտվել հայցվորի իրավունքները, և ըստ էության անհնարին կդառնա կամ կդժվարանա վճռի կատարումը, քանի որ կայացված վճիռը կկորցնի իր նշանակությունը, հետևաբար՝ Դատարանը գտնում է, որ պատասխանող ՀՀ Ֆինանսների նախարարությանը պետք է արգելել պահանջել «Բեյքեր Թիլլի Արմենիա» ՓԲ ընկերության թիվ ԱԾ N°054 «Ֆինանսական աուդիտի իրականացման» լիցենզիան, և պահպանել «Բեյքեր Թիլլի Արմենիա» ՓԲ ընկերության աուդիտորական գործունեություն իրականացնելու լիցենզիա ունեցող անձի կարգավիճակը՝ մինչև սույն գործով գործն ըստ էության լուծող դատական ակտի օրինական ուժի մեջ մտնելը:...

Որոշմամբ թիվ ՎԴ/1299/05/21 վարչական գործով ներկայացված հայցի ապահովման միջոց կիրառելու մասին միջնորդությունը բավարարվել է մասնակի.

ՀՀ ֆինանսների նախարարությանը արգելվել է պահանջել «Բեյքեր Թիլլի Արմենիա» ՓԲԸ-ի թիվ ԱԾ N°054 «Ֆինանսական աուդիտի իրականացման» լիցենզիան, և պահպանվել է «Բեյքեր Թիլլի Արմենիա» ՓԲԸ-ի աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը)՝ մինչև տվյալ վարչական գործով գործն ըստ էության լուծող դատական ակտի օրինական ուժի մեջ մտնելը: Մնացած պահանջների մասով հայցի ապահովման միջնորդությունը մերժվել է: Որոշումը՝ հայցի ապահովման միջոցներ կիրառելու մասով, օրինական ուժի մեջ է մտնում կայացման պահից և ենթակա չէ բողոքարկման:

13. ՀՀ վարչական դատարանի (նախագահությամբ դատավոր՝ Հր. Այվազյանի) 27.04.2021թ.-ին թիվ ՎԴ/1299/05/21 վարչական գործով հայցի ապահովման միջոցը վերացնելու վերաբերյալ միջնորդությունը մերժելու մասին կայացված որոշման համաձայն՝ թիվ ՎԴ/1299/05/21 վարչական գործով պատասխանող ՀՀ ֆինանսների նախարարության կողմից ներկայացված հայցի ապահովման միջոցը վերացնելու վերաբերյալ միջնորդությունը մերժվել է: Որոշումն օրինական ուժի մեջ է մտել կայացման պահից և ենթակա չէ բողոքարկման:

Վերոնշյալ որոշման համաձայն՝ «...Դատարանը գտնում է, որ հայցի ապահովման ինստիտուտը նպատակ է հետապնդում երաշխավորելու հետագայում ընդունվող դատական ակտի կատարումը, քանի որ հայցի ապահովման միջոց կիրառելու դեպքում պետք է հաշվի առնվի հայցվորի շահերը և այն նպատակները, որը հետապնդում է հայցի ապահովման միջոցի կիրառման դատավարական ինստիտուտը, քանի որ հայցի ապահովման միջոցի վերացման պայմաններում անձը կզրկվի իր ենթադրյալ խախտված

իրավունքների արդյունավետ դատական պաշտպանություն ստանալու հնարավորությունից:

Սույն գործով Դատարանի կողմից հայցի ապահովման միջոցի կիրառումը նպատակ է հետապնդել ապահովելու հայցվորի ենթադրյալ խախտված իրավունքների արդյունավետ դատական պաշտպանությունը, այն համարեքստում, որ հայցի հնարավոր բավարարման և իրավահարաբերության առկայությունը ճանաչվելու դեպքում, հայցի ապահովման միջոց կիրառված չլինելու պայմաններում կստեղծվի իրավիճակ, որ գործի քննության ողջ ժամանակահատվածում հայցվորը իրավաբանորեն ունեցել է հնարավորություն որոշակի կարգավիճակով իրացնելու իր իրավունքները, սակայն փաստացի զրկվել է այդ հնարավորությունից, և դատարանի վճիռը այդ առումով հնարավոր չի լինի կատարել:

Դատարանի գնահատմամբ, սույն դեպքում պատասխանող ՀՀ ֆինանսների նախարարության կողմից միջնորդությամբ չեն ներկայացվել հիմնավոր փաստարկներ և ապացույցներ, որոնց քննության արդյունքում կիրառված հայցի ապահովման միջոցը ենթակա կլիներ վերացման: ...»:

4. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով «Բեյքեր Թիլի Արմենիա» ՓԲԸ-ի 06.05.2022թ. բողոքը՝ կից փաստաթղթերով, և գործում առկա փաստաթղթերը, հայտնում են հետևյալը.

«Գնումների մասին» ՀՀ օրենքի (հետայսու նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 2-րդ հոդվածի 1-ին մասի 23-րդ ենթակետի (օրենքում օգտագործվող հիմնական հասկացությունները) համաձայն՝ գնման գործընթաց՝ գնում կատարելու նպատակով

գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների ամբողջություն, ներառյալ՝ գնումների պլանավորումը, գնման առարկայի բնութագրի հաստատումը, պայմանագրի կատարումը և կառավարումը:

Օրենքի 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո՝ Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, առաջարկվող ապրանքի ամբողջական նկարագիրը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետն ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

26.12.2002թ.-ին ընդունված «Աուդիտորական գործունեության մասին» ՀՀ օրենքի 6-րդ հոդվածի 4-րդ մասի համաձայն՝ աուդիտորական ծառայության իրականացումն առանց լիցենզիայի արգելվում է: ...:

04.12.2019թ.-ին ընդունված «Աուդիտորական գործունեության մասին» ՀՀ օրենքի 6-րդ հոդվածի 1-ին մասի համաձայն՝ աուդիտորական կազմակերպությունը ձեռք է բերում աուդիտորական ծառայություններ մատուցելու իրավունք այն ամսաթվից, երբ նրա մասին տեղեկությունները գրանցվում են մասնագիտացված կառույցի՝ աուդիտորական կազմակերպությունների, աուդիտորների և փորձագետ հաշվապահների ռեեստրում (այսուհետ նաև՝ ռեեստր):

Նույն հոդվածի 2-րդ մասի համաձայն՝ կազմակերպությունը, որի մասին տեղեկությունները պետական գրանցման ամսաթվին հաջորդող օրվանից սկսած՝ 60 աշխատանքային օրվա ընթացքում, չեն ներառվել ռեեստրում, չի կարող օգտագործել «աուդիտ», «աուդիտոր», «աուդիտորական» բառերը կամ դրանց հոլովածներն իր անվանման մեջ:

Վերոնշյալ նորմերի համակարգված վերլուծության արդյունքում՝ Բողոքներ քննող անձը փաստում է, որ 2002թ.-ին ընդունված «Աուդիտորական գործունեության մասին» ՀՀ օրենքի իմաստով աուդիտորական ծառայության իրականացումը պետք է կատարվեր լիցենզիայի հիման վրա, իսկ արդեն 2019թ.-ին ընդունված համանուն օրենքի իմաստով աուդիտորական կազմակերպությունը ձեռք է բերում աուդիտորական ծառայություններ մատուցելու իրավունք, երբ նրա մասին տեղեկությունները գրանցվում են մասնագիտացված կառույցի ռեեստրում:

Այսպես՝ «Ներդրումների աջակցման կենտրոն» հիմնադրամի կողմից ֆինանսական աուդիտի ձեռքբերման նպատակով հայտարարվել է «ՆԱԿ-ԳՀԾԶԲ-06/22» ծածկագրով գնանշման հարցման ընթացակարգ:

Ընթացակարգի հրավերի Տեխնիկական բնութագրի համաձայն աուդիտը պետք է իրականացվի «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների կողմից:

Ընթացակարգին մասնակցելու նպատակով հայտ են ներկայացրել 2 մասնակից և «Բեյքեր Թիլի Արմենիա» ՓԲԸ-ն և «ԳՐԱՆԹ ԹՈՐՆԹՈՆ» ՓԲԸ-ն: «Բեյքեր Թիլի Արմենիա» ՓԲԸ-ի գնային առաջարկը կազմում է 2 346 000 ՀՀ դրամ, «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը 4 800 000 Հ դրամ: «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը գերազանցել է նախահաշվային գինը:

Ընթացակարգի գնահատող հանձնաժողովի (այսուհետ նաև՝ Հանձնաժողով) 26.04.2022թ.-ի նիստի թիվ 2 արձանագրության համաձայն՝ Հանձնաժողովը, հաշվի առնելով որ «Բեյքեր Թիլի Արմենիա» ՓԲԸ-ի տվյալները «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են, որոշել է «Բեյքեր Թիլի Արմենիա» ՓԲԸ-ի հայտը գնահատել անբավարար և մերժել:

Հանձնաժողովի 02.05.2022թ. տեղի ունեցած նիստի թիվ 3 արձանագրության համաձայն՝ «ՆԱԿ-ԳՀԾՁԲ-06/22» ծածկագրով գնանշման հարցման ընթացակարգը հայտարարվել է չկայացած:

www.procurement.am կայքում 02.05.2022թ.-ին հրապարակվել է «ՆԱԿ-ԳՀԾՁԲ-06/22» ծածկագրով գնման ընթացակարգը չկայացած հայտարարելու մասին հայտարարություն:

«Ներդրումների աջակցման կենտրոն» հիմնադրամի կողմից ֆինանսական աուդիտի ձեռքբերման նպատակով 28.03.2022թ.-ին հայտարարվել է «ՆԱԿ-ԳՀԾՁԲ-07/22» ծածկագրով գնանշման հարցման ընթացակարգ:

Ընթացակարգ 2-ին մասնակցելու նպատակով հայտ են ներկայացրել 2 մասնակից և «Բեյքեր Թիլի Արմենիա» ՓԲԸ-ն և «ԳՐԱՆԹ ԹՈՐՆԹՈՆ» ՓԲԸ-ն: «Բեյքեր Թիլի Արմենիա» ՓԲԸ-ի գնային առաջարկը կազմում է 2 496 000 ՀՀ դրամ, «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը 4 800 000 ՀՀ դրամ: «ԳՐԱՆԹ ԹՈՐՆԹՈՆ» ՓԲԸ-ի գնային առաջարկը գերազանցել է նախահաշվային գինը:

Ընթացակարգ 2-ի գնահատող հանձնաժողովի 11.05.2022թ.-ի նիստի թիվ 2 արձանագրության համաձայն՝ Հանձնաժողովը, հաշվի առնելով որ «Բեյքեր Թիլի Արմենիա» ՓԲԸ-ի տվյալները «Հայաստանի աուդիտորների և փորձագետ հաշվապահների պալատ» ՀԿ մասնագիտական կառույցի պաշտոնական կայքի «Ռեեստր» բաժնում առկա ցանկում գրանցված աուդիտորական կազմակերպությունների ցանկից բացակայում են, որոշել է «Բեյքեր Թիլի Արմենիա» ՓԲԸ-ի հայտը գնահատել անբավարար և մերժել:

Հանձնաժողովի 16.05.2022թ. տեղի ունեցած նիստի թիվ 3 արձանագրության համաձայն՝ «ՆԱԿ-ԳՀԾՁԲ-07/22» ծածկագրով գնանշման հարցման ընթացակարգը հայտարարվել է չկայացած:

www.procurement.am կայքում 17.05.2022թ.-ին հրապարակվել է «ՆԱԿ-ԳՀԾՁԲ-07/22» ծածկագրով գնման ընթացակարգը չկայացած հայտարարելու մասին հայտարարություն:

ՀՀ վարչական դատարանի (նախագահությամբ դատավոր՝ Հր. Այվազյանի) 17.03.2021թ.-ին թիվ ՎԴ/1299/05/21 վարչական գործով հայցի ապահովման միջոց կիրառելու միջնորդությունը մասնակի բավարարելու մասին կայացված որոշման (այսուհետ նաև՝ Որոշում) համաձայն՝ «... Տվյալ դեպքում նկատի ունենալով, որ սույն գործի շրջանակներում քննության առարկա է հանդիսանում «Բեյքեր Թիլի Արմենիա» ՓԲ ընկերության աուդիտորական գործունեություն իրականացնելու իրավունք ունեցող անձի կարգավիճակից բխող «Բեյքեր Թիլի Արմենիա» ՓԲ ընկերության և ՀՀ ֆինանսների նախարարության միջև իրավահարաբերության առկայությունը ճանաչելը, իսկ այդ

իրավահարաբերության առկայությունը կամ բացակայությունը կարող է ճանաչվել միայն գործն ըստ էության լուծող դատական ակտով, և որոշակի հայցի ապահովում չկիրառելու և հայցի հնարավոր բավարարման դեպքում, գործի քննության ամբողջ ժամանակահատվածի ընթացքում կարող են խախտվել հայցվորի իրավունքները, և ըստ էության անհնարին կդառնա կամ կդժվարանա վճռի կատարումը, քանի որ կայացված վճիռը կկորցնի իր նշանակությունը, հետևաբար՝ Դատարանը գտնում է, որ պատասխանող ՀՀ Ֆինանսների նախարարությանը պետք է արգելել պահանջել «Բեյքեր Թիլլի Արմենիա» ՓԲ ընկերության թիվ ԱԾ N°054 «Ֆինանսական աուդիտի իրականացման» լիցենզիան, և պահպանել «Բեյքեր Թիլլի Արմենիա» ՓԲ ընկերության աուդիտորական գործունեություն իրականացնելու լիցենզիա ունեցող անձի կարգավիճակը՝ մինչև սույն գործով գործն ըստ էության լուծող դատական ակտի օրինական ուժի մեջ մտնելը:...»:

Որոշմամբ թիվ ՎԴ/1299/05/21 վարչական գործով ներկայացված հայցի ապահովման միջոց կիրառելու մասին միջնորդությունը բավարարվել է մասնակի.

ՀՀ Ֆինանսների նախարարությանը արգելվել է պահանջել «Բեյքեր Թիլլի Արմենիա» ՓԲԸ-ի թիվ ԱԾ N°054 «Ֆինանսական աուդիտի իրականացման» լիցենզիան, և պահպանվել է «Բեյքեր Թիլլի Արմենիա» ՓԲԸ-ի աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը)՝ մինչև տվյալ վարչական գործով գործն ըստ էության լուծող դատական ակտի օրինական ուժի մեջ մտնելը: Մնացած պահանջների մասով հայցի ապահովման միջնորդությունը մերժվել է: Որոշումը՝ հայցի ապահովման միջոցներ կիրառելու մասով, օրինական ուժի մեջ է մտնում կայացման պահից և ենթակա չէ բողոքարկման:

ՀՀ վարչական դատարանի (նախագահությամբ դատավոր՝ Հր. Այվազյանի) 27.04.2021թ.-ին թիվ ՎԴ/1299/05/21 վարչական գործով հայցի ապահովման միջոցը վերացնելու վերաբերյալ միջնորդությունը մերժելու մասին կայացված որոշման համաձայն՝ թիվ ՎԴ/1299/05/21 վարչական գործով պատասխանող ՀՀ Ֆինանսների նախարարության կողմից ներկայացված հայցի ապահովման միջոցը վերացնելու վերաբերյալ միջնորդությունը մերժվել է: Որոշումն օրինական ուժի մեջ է մտել կայացման պահից և ենթակա չէ բողոքարկման:

Վերոնշյալ որոշման համաձայն՝ «...Դատարանը գտնում է, որ հայցի ապահովման ինստիտուտը նպատակ է հետապնդում երաշխավորելու հետագայում ընդունվող դատական ակտի կատարումը, քանի որ հայցի ապահովման միջոց կիրառելու դեպքում

պետք է հաշվի առնվի հայցվորի շահերը և այն նպատակները, որը հետապնդում է հայցի ապահովման միջոցի կիրառման դատավարական ինստիտուտը, քանի որ հայցի ապահովման միջոցի վերացման պայմաններում անձը կզրկվի իր ենթադրյալ խախտված իրավունքների արդյունավետ դատական պաշտպանություն ստանալու հնարավորությունից:

Սույն գործով Դատարանի կողմից հայցի ապահովման միջոցի կիրառումը նպատակ է հետապնդել ապահովելու հայցվորի ենթադրյալ խախտված իրավունքների արդյունավետ դատական պաշտպանությունը, այն համատեքստում, որ հայցի հնարավոր բավարարման և իրավահարաբերության առկայությունը ճանաչվելու դեպքում, հայցի ապահովման միջոց կիրառված չլինելու պայմաններում կստեղծվի իրավիճակ, որ գործի քննության ողջ ժամանակահատվածում հայցվորը իրավաբանորեն ունեցել է հնարավորություն որոշակի կարգավիճակով իրացնելու իր իրավունքները, սակայն փաստացի զրկվել է այդ հնարավորությունից, և դատարանի վճիռը այդ առումով հնարավոր չի լինի կատարել:

Դատարանի գնահատմամբ, սույն դեպքում պատասխանող ՀՀ ֆինանսների նախարարության կողմից միջնորդությամբ չեն ներկայացվել հիմնավոր փաստարկներ և ապացույցներ, որոնց քննության արդյունքում կիրառված հայցի ապահովման միջոցը ենթակա կլիներ վերացման: ...»:

Հարկ եմ համարում ընդգծել, որ «ՆԱԿ-ԳՀԾՁԲ-06/22» ծածկագրով գնանշման հարցման ընթացակարգի հանձնաժողովը, «Բեյքեր Թիլլի Արմենիա» ՓԲԸ-ի հայտն անբավարար գնահատելու և մերժելու, ինչպես նաև ընթացակարգը չկայացած հայտարարելու մասին որոշում կայացնելով, գործել է ոչ իրավաչափ:

Այսպիսով՝ գործով ձեռքբերված փաստական տվյալների՝ մասնավորապես թիվ ՎԴ/1299/05/21 վարչական գործով 17.03.2021թ.-ին և 27.04.2021թ.-ին կայացված որոշումների ուսումնասիրության արդյունքում՝ Բողոքներ քննող անձը հարկ է համարում փաստել, որ «Բեյքեր Թիլլի Արմենիա» ՓԲԸ-ի աուդիտորական գործունեություն իրականացնելու լիցենզիա ունեցող անձի կարգավիճակը (իրավիճակը) հայցի ապահովման միջոց կիրառելու միջնորդությունը մասնակի բավարարելու մասին կայացված որոշմամբ պահպանվել է, որի արդյունքում Ընկերությունը ձեռք է բերել աուդիտորական գործունեություն իրականացնելու հնարավորություն: Այլ կերպ ասած՝ 17.03.2021թ.-ին թիվ ՎԴ/1299/05/21 վարչական գործով կայացված Որոշումը Ընկերությանն օժտել է նույն իրավասությամբ և ըստ այդմ՝ նաև պարտավորությամբ, որոնք 2002թ.-ի ընդունված

«Աուդիտորական գործունեության մասին» ՀՀ օրենքի շրջանակներում և տրամաբանության սահմաններում վերջինս կարող էր ակնկալել:

Ավելին, ՀՀ վարչական դատարանի (նախագահությամբ դատավոր՝ Հր. Այվազյանի) 27.04.2021թ.-ին թիվ ՎԴ/1299/05/21 վարչական գործով հայցի ապահովման միջոցը վերացնելու վերաբերյալ միջնորդությունը մերժելու մասին կայացված որոշմամբ դատարանը գտել է, որ հայցի ապահովման ինստիտուտը նպատակ է հետապնդում երաշխավորելու հետագայում ընդունվող դատական ակտի կատարումը, քանի որ հայցի ապահովման միջոց կիրառելու դեպքում պետք է հաշվի առնվի հայցվորի շահերը և այն նպատակները, որը հետապնդում է հայցի ապահովման միջոցի կիրառման դատավարական ինստիտուտը, քանի որ հայցի ապահովման միջոցի վերացման պայմաններում անձը կգրկվի իր ենթադրյալ խախտված իրավունքների արդյունավետ դատական պաշտպանություն ստանալու հնարավորությունից: Թիվ ՎԴ/1299/05/21 վարչական գործով Դատարանի կողմից հայցի ապահովման միջոցի կիրառումը նպատակ է հետապնդել ապահովելու հայցվորի ենթադրյալ խախտված իրավունքների արդյունավետ դատական պաշտպանությունը, այն համատեքստում, որ հայցի հնարավոր բավարարման և իրավահարաբերության առկայությունը ճանաչվելու դեպքում, հայցի ապահովման միջոց կիրառված չլինելու պայմաններում կստեղծվի իրավիճակ, որ գործի քննության ողջ ժամանակահատվածում հայցվորը իրավաբանորեն ունեցել է հնարավորություն որոշակի կարգավիճակով իրացնելու իր իրավունքները, սակայն փաստացի զրկվել է այդ հնարավորությունից, և դատարանի վճիռը այդ առումով հնարավոր չի լինի կատարել:

Այսինքն՝ «Բեյքեր Թիլլի Արմենիա» ՓԲԸ-ի կողմից բողոքով բերված փաստերն ու հանգամանքները սույն որոշմամբ բերված իրավական ու փաստական հանգամանքների և արված վերլուծությունների ամբողջությամբ հիմնավոր են, որպիսի պայմաններում Հանձնաժողովի կողմից չի ապահովվել Օրենքի 3-րդ հոդվածի 2-րդ մասի 1-ին և 2-րդ կետերի դրույթներով սահմանված սկզբունքների կիրառումը:

Անդրադառնալով «Բեյքեր Թիլլի Արմենիա» ՓԲԸ-ի կողմից բողոքով ներկայացված «ՆԱԿ-ԳՀԾՁԲ-07/22» ծածկագրով գնանշման հարցման ընթացակարգը չկայացած հայտարարելուն պարտավորեցնելու պահանջին՝ հարկ եմ համարում հայտնել, որ www.procurement.am կայքում 17.05.2022թ.-ին հրապարակված հայտարարությամբ «ՆԱԿ-ԳՀԾՁԲ-07/22» ծածկագրով գնման ընթացակարգը հայտարարվել է չկայացած, ինչի արդյունքում բողոքով ներկայացված պահանջը դառնում է առարկայազուրկ, ուստի ենթակա է մերժման:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, գործով հաստատված փաստերի գնահատմամբ, ինչպես նաև ուսումնասիրելով ներկայացված բողոքի փաստական և իրավական հիմքերը՝ եզրահանգում եմ, որ Ընթացակարգի գնահատող հանձնաժողովի կողմից, «Բեյքեր Թիլլի Արմենիա» ՓԲԸ-ի կողմից ներկայացված հայտն անբավարար գնահատելու և մերժելու մասին որոշում կայացնելով, հանգեցրել է Օրենքի 3-րդ և 7-րդ հոդվածներով սահմանված սկզբունքների խախտմանը, որպիսի պայմաններում «Բեյքեր Թիլլի Արմենիա» ՓԲԸ-ի բողոքով բերված փաստերն ու հանգամանքները սույն որոշմամբ բերված իրավական ու փաստական հանգամանքների և արված վերլուծությունների ամբողջությամբ հիմնավոր են:

Ուստի գտնում եմ, որ «Բեյքեր Թիլլի Արմենիա» ՓԲԸ-ի ներկայացրած բողոքը պետք է բավարարել՝ վերականգնելով Ընկերության գնման գործընթացին մասնակցելու հավասար իրավունքը, որի արդյունքում կապահովվի Օրենքի 3-րդ հոդվածի 2-րդ մասի 1-ին և 2-րդ կետերի դրույթներով սահմանված սկզբունքների կիրառումը՝

1) գնման գործընթացի միասնական կանոններով մրցակցային, թափանցիկ, համաչափ, իրապարակային և ոչ խտրական հիմունքներով կազմակերպում:

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝

Ո Ր Ո Շ Ե Ց Ի

«Բեյքեր Թիլլի Արմենիա» ՓԲԸ-ի կողմից 06.05.2022թ. ներկայացված բողոքը բավարարել մասնակիորեն:

1. Պարտավորեցնել «Ներդրումների աջակցման կենտրոն» հիմնադրամի կարիքների համար՝ ֆինանսական աուդիտի ծառայության ձեռքբերման նպատակով հայտարարված «ՆԱԿ-ԳՀԾՁԲ-06/22» ծածկագրով գնանշման հարցման ընթացակարգի հանձնաժողովին դադարեցնել՝

- «Բեյքեր Թիլլի Արմենիա» ՓԲԸ-ի հայտը անբավարար գնահատելու և մերժելու մասին որոշումը:

- «ՆԱԿ-ԳՀԾՁԲ-06/22» ծածկագրով գնման ընթացակարգը չկայացած հայտարարելու մասին որոշումը:

2. Մնացած մասով բողոքը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ գնումների հետ կապված բողոքներ քննող անձի որոշումն ուժի մեջ է մտնում այն տեղեկագրում հրապարակելուն հաջորդող օրվանից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ